




## Matiyu 26




Tée wólo le té wée tó ke Hólɔnanli o nánlagbe ó a se, Enza ñé táa Betani, Laza feso a té wée min nzayakenin nákuun. Mwenyamu é latikolo soon gbée ñó litili tálanje ta. Aa ó bwó Enza nze ñó ka, ké wée ké a kúnzhe o ta ké a se ñó jósi, latikolo o swáan óo bhó ñó myáan.



Enza ñen kaamɔndhye ndá ni fyáa ó kée mín ndóo tée kó Zudasi Sikaliyoti oo táa faanlexansebhaa olu kúndii ólu fé yé, ké á Enza no i bhóo. Ii o kóman ó myén mínngɛ, oo dhyáa i ye, ii lálheli ta a ye kó i káa wée dí a man. Zudasi tɛe nánniinnan Enza no bhóo ló ó man.



Enza né kó mín nvo kaamwondhye nolu ye, ii o ke tó ke Hólwanli o nánlagbe ó gbá ó ke. I tée lómin o kéla mínngé, Enza né búlu ó tá, ke Ala bálika bhó, ke a lóttete ká a di a ye kaamwondhye nolu mán, tó ke fo i ye kó: «Nvásisoo ó léé wé, áa a tá ke a ló.»



Aa wée ke lézenjifye lo tá tó ke Ala bálika bhó ke o lézenji o ló i bhóo ke fo kó: «A bé a a lo mín, nne ó léé wé, yéé mín né bwó yúumu yafa o bhóoman mwon shéeman ngósón. Yéé mín né wé, o lé káa ké Ala ye dhyáarwonya ó lálheli o tóomanse ne.»



Enza né fo Simón ye kó: «Simón, Simón, Sotaannan tée niin ké i lóswaan óyoo ii muu ó ténnennan nán min mán. Wáa né wée Ala déli i ye, ké i ye lánanya ó kénan cáan. Ní ile ké díminsa kénan né mán wáati mínnon, ii i bhádhye nólú yóso lágbeya.» Piyeli é fo a ye kó: «Mantii ó, né lóbhyenin né ke táa ní ile kaso ó lá, wáman ke sayake ní ile.»

Enza né a yawi kó: «Piyeli, ní fóla i ye ngó lónan nólú táa kóman bí, ní ile mán fo né mán sínan sawa ké bha kó i mán né lo.»



Fó é kéla ywáa mín man kó Zesemane, Enza ni a ye kaamwondhye nolu sé ó ywáa ó lo mínngé aa fo i ye ko: «Áa i síi ya ké ndáa nzéé yéénón.» A tée fóla kó: «Nvá ó, kó ó bé se é ile lé ye, tóluyaba miin cébho nán. Óni o ta ó bé, i kénan a ke né sao óle, wáa i lé sao ó.»




Faanlɛɛnɛnseɛbhaa olu kúndii ólu ní Falizen nólú Ala bhatobhomba kúnnansiibhaa lólú ní swaasi lólú bhyáashaa. Zudasi é bhyáa i nén ké táa, láman ni káa lámaannin nólú ní kéekéfe nólú tée i bhóo. O ywáaninngée nlo lo, kée né faanlɛɛnɛnseɛbhaa olu kúndiiba ó ye bháalakédhye nólú bhóobhée tóo ó tée a mán. Wáa Enza né fo kó: «Á tó cé, o wée soo» Aa i bhóo túu bháalakédhye nólú tóo ó la ke a lákɛɛnya.



Ii Enza myáan ke táa ní ale faanlɛɛnɛnseɛbhaa olu kúndiiba ó yé lú ó kóonnon. Piyeli é i súuku táamanke, ke céba tó i cé. I té wée tá lákin lúkoon ó céman ke i síi o fe. Piyeli é táa i síi i céman.



Piyeli té wée faanlexansebhaa olu kúnndiiba ó yé bháalakedhye min ndóo kée ndée mán Enza myáanwaati ó lo, ó bháthyemannje ló é fo Piyeli yé kó: «Né mán í yé yíitu ó lo ni Enza ne a?» Piyeli é fo íkwó kó ale mán a lo. O ywáaninngée nọ lo, lónan nọo kóman. Piyeli é bhó kéenman, ke kásike bhélibheli.



9


Oo ké mínnge, yaman ó bée í wii ké taa ni Enza né Pilati fe yé. Pilati é a mánnaanke kó: «Ile lee Yawudhyaa olu ye mansace o le a?» Enza nẹ a yawi kó: «Ile le wée o fo.» Waa Pilati tée fe ke Enza nábhyyaa, aa yaman ó mannaanke í kwó. Waa íi gbáa kó: «A gbaan yíi ó mán!



10


A gbáan yíi ó mán!»

O lo Pilati é Enza no í bhóo ko íi taa a gbáan yíi ó mán, íi a myáan ké taa a gbáan yíi ó mán. Enza nẹ a gbáan nii o tá. Ii taa sé ywaa lóló min ndóo kó Kunngwongoo ywaa, íi o kíila Ebulukan nọ lo kó Goligota.




11

O ywaa ó ló, íi a gbáan yíi ó mán nī mōon fyaa gbée le, kée ndée a bhóobhēekwó, kée ndée a bhóonwaan ngwó, Enza ndée i céman.



12


Tée ó te té yéla bhée. Ala bhatobhomba ó sáce ó fála fyaa le. Enza nẹ gbáa ke fo kó: «Nvá, né wée né nī ó ló í bhóo.» Aa ó fo mínnge, aa sayake.



13

Yusufu Alimateka é nan. Ale tée kíitēbhaa olu mōonba ó lé lo le. A tée Ala yé Mansaya ó nán wáati o mánkwōnnan. Aa í yóso lágbeya ke taa Enza nvée ó kófo Pilati ye, kó o a dycn ke a lo a bhóo. Yusufu é féngbe sá,

ke Enza nvée o láyii yíi o man, ke féngbe ó ló a man. Kábulu mín shen fáa o ló ale gbú ye, aa taa Enza nzútaa o kábulu o lo. Kéwēe ke káwagbuba ló gínninman ke kábulu o lá ó látuun nọ la.



14


Ló mín né túun lonwɛnlilo ɲo  
lóbhyendee ó la,  
faanɛɛnɛnbhaa olu  
kúnndii ólu ní Falizen  
ɲolu táa kéene Pilati fé  
yé.



li fo o ye kó: «Mantii ó, a wɛɛ bhyáa án  
ɲáakii la óo Enza mɔɔn lanɛɛnmaa  
miin ndée ì ɲánla mínngɛ,  
aa fo kó ale yáa kúun  
ke bhó saya bhóo  
o mán a sayakenin  
ɲó tée sáwanɔn ló  
ɲo mán.»



Oo ké mínngɛ, ii táa swaasi lólu lásii  
kábulu o kúnnan. li tɔɔmansii  
ló bhyáa káwagbuba ó  
mán, kó óo kó é ke mɔɔn  
ló kénan o káwa ó bhó  
kábulu o lála.




Lonwɛnlilo ɲó o bhó ì lá mínngɛ,  
Mwenyamu Magidalaka óni  
Mwenyamu dó mín ɲoo nan  
kábulu o mánfɛ kookɔɔ lo  
ɲo sɔɔ jónan ó mán.  
Íkɔɔ téeman, lúukolo  
óo yaayaa fáan la,  
Mantii o yé malɛɛka  
lo é bhó sá ɲó lo


kénan káwagbuba ó  
gínninman ke a bhó  
kábulu o lála tó ke ì  
síi ale káwagbuba  
ó ka.



Mɔɔn mínnu tée kábulu o kúnnan  
o lo, olu mán é sháan gbúnigbuke,  
ii yaayaa ke kilo fó ke ké  
óo mɔɔn wée sayake.



Malɛɛka oo fo muso ólu ye kó: «Ále  
kénan sháan! Ní lo ɲóo áa Enza ne  
ywáariinnan, ii mín gbáan yíi ó  
mán. A tɛ yánun, a wɛɛ kúun  
ke bhó saya o lo, óyoo a  
tɛ wɛɛ fo kó a káa ké  
ténmen ɲó. Á lanin  
ndée ywáa ó mínnon  
áa nan o mánfɛ.»



Muso ólu ì láteeya kebó kábuluywaa olo ke taa i sháannin nò le, o kwo, i nisodhyaanin ndée gbúnigbu ké ikwo. li bwée ke taa sánmankan no fò Enza nen kaamwondhye nolu nánla. Muso ólu táato óle, Enza né i kunmye téeman tó ke i fo. Muso ólu ì mángbaa a lá ke ì kúnmeen ngbáan



lúu lo tó ke a se nvyáa ó myáan.

21

O kwo, Enza né ì yé yáa a ye kaamwondhye ndá ni kée nò la ké ii lómin ké o la. Aa i yáayii i ye lánanbheeya óni i ye yáakilagbeya o kóson. Ke manso mwon mín núu fo kó i wee Enza ngúunnin nò yé, i mán lá olu la. Aa wee o kóman ó kéla i ye mínngé, kóotali é ké Mantii Enza nen ke alayee sá nò lo, tó ke ì síi Ala bhóobheekwo.

22

Ke manso dinnan é dhyáa Ala ye ke tínmin, fo aa a Dhyénje kéengboto ó dí án man, ké mwon min ngé lá o la, o tii ó kénan hálaki, wáa o a nánmanjan wéebheé ó sóo.

54

60

23

Yaya 3:16,17  
Ke manso dinnan é dhyáa Ala ye ke tínmin, fo aa a Dhyénje kéengboto ó dí án man, ké mwon min ngé lá o la, o tii ó kénan hálaki, wáa o a nánmanjan wéebheé ó sóo. Ala mán a Dhyénje ó bhyáashaa dinnan lo kénan kiti bé mwon ólu ka, wáa aa nan lé kénan ì kisi.

24

Matiyu 26-28; Luka 22-24; Yaya 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Mahou NT (mxx) © (Active), Wycliffe Bible Translators, Inc.  
All rights reserved.

<https://www.bible.com/bible/3167/MAT.1>

©2026 Bible for Children, Inc.  
www.M1914.org www.bibleforchildren.org

25